

"Мәңгілік ел жастары – индустрияға" әлеуметтік бағдарламасы бойынша – инженерлік кадрлар дайындаудағы тәрбие жұмысы

¹*ЖЕТПІСБАЙ Шолпан Аханқызы, п.ф.м., аға оқытушы, sholpan_2409@mail.ru,

¹КАЛЫБЕКОВА Каламкас Сағындыковна, филол.ф.к., доцент, kalam09@mail.ru,

²ЫСҚАҚҰЛЫ Срайыл, филол.ф.к., доцент, кафедра меңгерушісі, aizhan.96kz@mail.ru,

¹Қарағанды техникалық университеті, Қазақстан, 100027, Қарағанды, Н. Назарбаев даңғылы, 56,

²Іле педагогикалық университеті, Қытай, 835000, Құлжа, Jie Fang Xi Lu, 448,

*автор-корреспондент.

Аңдатпа. «Мәңгілік ел жастары – индустрияға» – «Серпін» әлеуметтік жобасын жүзеге асырылуы туралы. Қарағанды техникалық университетінде атқарылып жатқан жұмыстары, жастарды тәрбиелеу мен алға қойған мақсаттарына жетуіне барлық мүмкіншіліктер жасалған. Осы орайда біздің университетте атқарылып жатқан жұмыстар мен іс шаралардың қалай жүзеге асып жатқаны қарастырылып отыр. Жастар тәрбиесі бүгінгі таңда маңызды мәселе. Техникалық мамандықтар бойынша оқып жатқан жастарға бағыт – бағдар беру. Жалпы «Серпін» жобасы студенттерімен қоғамдық – мәдени іс шаралар ұйымдастырылып отырады. Біздің мақсатымыз білімді, жан-жақты, ой өрісі кең, заман ағымына қарай жаңа технологияларды меңгерген мамандар даярлау.

Кілт сөздер: білім, тәрбие, жастар саясаты, жолдау, мемлекеттік бағдарлама, болашаққа бағдар, еңбекпен қамтылуы, техникалық, кәсіби білім, іске асыру, іріктеу, аймақтық.

Кіріспе

Ұрпақ жалғастығымен адамзат баласы мың жылдар бойы жасап келеді, сәт сайын өзгеріп, өрлей дамыған саналы уақытта жұмыс істеу жалғасын тауып келе жатыр. Бұл адамзат еншісіне ғана тиесілі, сол тіршілік дамуының бағбаншысы – тәрбие. Тәрбие дегеніміз – аға буынның кейінгі ұрпаққа мирас етіп табыстар озық тәжірибесі, үлгі – өнегесі, әдет – ғұрып, рухани байлығы десек, ал халық педагогикасы – қазақ халқының сан ғасырдан бері атадан балаға қалдырған өлмес мұра болып табылады.

Әлемнің көптеген елдерінің тарихына көз жүгіртсек, бүгін де жастармен байланысты мәселелер мемлекет пен Үкіметтің басты назарында тұр. Әсіресе заман талабына сай қазіргі уақытта жастар мәселесі мемлекеттік саясатта маңызды, ал жастар үлкен физикалық күш болып саналады. Олар елдің қауіпсіздігін қамтамасыз етуге және мемлекеттің әскери Стратегиясының мақсаттарын іске асыру үшін психологиялық тұрғыдан дайындалды және пайдаланылды. Сондықтан дене бітімі мықты, дені сау және мықты жастар кез келген мемлекет пен қоғамның маңызды ресурстарының бірі болды.

Қарағанды техникалық университетінде Қазақстан Республикасының Конституциясын

да мемлекеттік саясаттың негізгі қағидаларын жүзеге асыру мақсатында «халықтың еңбекпен қамтылуы туралы», «білім туралы», «мемлекеттік жастар саясаты туралы», «ұлттық қауіпсіздік туралы», «Қазақстан-2050» стратегиясында, стратегиялық жоспарда Қазақстан Республикасының 2030 жылға дейінгі дамуы, мемлекеттік бағдарламада 2020 жылға дейін білімнің дамуы, 2014 жылдың 7 қаңтарында Қазақстан Республикасының Президенті Н.Ә. Назарбаевтың жолдауында «Қазақстан жолы-2050: бір мақсат, бір мүдде, бір болашақ» анықталған. 2014 жылдың маусым айынан оңтүстік облысы жастарын жоғары оқу орындарында, солтүстік өңірлердің техникалық және кәсіби білім оқу орындарында оқыту мақсатында «Мәңгілік ел жастары-индустрияға» (әрі қарай – Жоба) әлеуметтік жобасы жүзеге асырылып жатыр [1].

Елбасы Н.Ә. Назарбаев «Болашаққа бағдар: Рухани жаңғыру» бағдарламалы мақаласында. Біздің мақсатымыз айқын, бағытымыз белгілі, ол әлемдегі ең дамыған 30 елдің қатарына қосылу. Бұл мақсатқа жету үшін, біздің санамыз ісімізден озып жүруі, яғни, одан бұрын жаңғырып отыруы тиіс деген болатын. Біздің мақсатымыз өскелең ұрпаққа саналы тәрбие мен сапалы білім беру. Елбасымыз: өскелең жастарымыздың болашағы

жарқын, келешегі кемел болғанын қалаймын. Келешегіміздің келбетті, болашағымыздың баянды болуы бүгінгі жастарымызға тікелей байланысты. Өйткені олар – «ертеңімізді жасайтын бүгініміз» деген екен [2].

Жастарымыз инабатты, зерделі, парасатты, мәдениетті болсын деп, жаһандану заманының озық технологиясын, инновациялық білім жүйесін оқытып, жастардың санасына сіңіріп, дарыта білу біздің басты мақсатымыз. Сол мақсатта жету үшін Қарағанды техникалық университетінде жаңа бағытта білім беру жүйесі оң жолға қойылған. Осы оқыту үрдістерінің бірі ретінде «Серпін-2050» әлеуметтік жобасын атауға болады.

2015 жылдан бастап Қарағанды техникалық университеті «Мәңгілік ел жастары-индустрияға» – «Серпін» әлеуметтік жобасын жүзеге асырып келе жатыр. Аталған жоба Қазақстан жастарын, жоғары кәсіптік-техникалық білім алуға шақырады, жастарды еңбекке, өз бетінше өмірге тартудың тиімді жүйесінің алғашқы қадамы бола тұра, осы бағдарламаның мақсаты – еңбек нарығында қажет етілетін мамандықтар бойынша білім алуға ниеттенген оңтүстік өңірдегі (Алматы, Түркістан, Жамбыл, Қызылорда, Маңғыстау облыстары) талап етілген мамандықтар бойынша білім алғысы келетін студенттерді кеңінен тарту арқылы республиканың солтүстік және орталық аймақтарын толық қамту, білім беру кеңістігін кеңейту болып табылады. Аталған бағдарламаның студенттерімен жүйелі жұмысты ұйымдастыру мақсатында «Серпін-2050» оқу орталығы ашылды (ҚарМТУ ректорының бұйрығы негізінде №585с 2015ж. 09 қыркүйекте). Бүгінгі таңда Университет қабырғасында аталған жоба аясында 751 студент грант иегері атанып, диплом алып шықты, қазіргі таңда мамандықтары бойынша жұмыс істеуде. Студенттер 6 факультетте, 25 мамандық бойынша білім алып жатыр. Студенттер жайлы жатақханамен қамтамасыз етілген. Студенттермен үнемі әртүрлі іс шаралар өткізіліп және тарихи, мәдени орындармен таныстыру ретінде апарамыз. Студенттер барлық іс шараларға белсенді түрде қатысып отырады.

Тәрбиедегі мақсат – адам деген атты құр жала қылып жапсырмай, шын мағынасымен адам қылып шығару [3]. Мағжан Жұмабаев

Оқу орындары базасы негізінде талапкерлерге және олардың ата-аналарына кеңес беру үшін штабтар құрылды, банерлер, буклеттер, парақшалар орнатылды. Республикалық штаб өкілдері облыстық және өңірлік газеттерге жоба туралы мақалалар жариялады, облыстық телеканалдарда тікелей эфирлер, пресс-конференциялар ұйымдастырылып отырады.

Сол сияқты біздің жетістіктерімізді көрсететін көптеген сандар мен фактілерді келтіруге болады, бірақ бәрі адамдармен өлшенеді – олардың әлауқатында, жетістіктері мен ұмтылыстарында екенін есте ұстағанымыз жөн. Жастар – біздің сөзсіз байлығымыз, болашағымыз, сондықтан сіз-

дердің алдарыңызда гүлденген, әділетті, прогрессивті Қазақстан қалыптастыру міндеті тұр.

Жалпы «Серпін-2050» жобасы белсенді түрде «Мәңгілік Ел» ұлттық идеясын қолдап Қазақстанның әртүрлі өңірлерінен жастарды шоғырландырылды. Оқу орындары базасында жетекшілері бар, топтарға жауап беретін жергілікті штабтар құрылды. Әрбір топта 25 адамнан, олар өз ішінде 12 адамнан екі топқа бөлінеді (1 көшбасшы және 2 орынбасары). Қабылдаушы өңірден әрбір жобаға қатысушыға ерікті-серіктес бекітілген, «Серпін-2050» жобасы бойынша оқу кезінде студентке бағыт беріп отырады. «Серпінге» қатысушылар арасында әртүрлі дебарт, тренингтер, жобаны іске асыруға қатысты сауалнамалар да жүргізіледі.

2014 жылы барлық оқу орындарында және өңірлік деңгейде «Аламан» фестивалі өткізілген болатын, қазіргі уақытта өз ішімізде жалғастырып келеміз.

Оқу жылы барысында «Серпін» жобасы студенттерімен қоғамдық – мәдени іс шаралар ұйымдастырылып, ұлтаралық келісім жайында дәстүрлі дін басшылармен, әділет басшыларымен, полиция бөлімі өкілдерімен, әлеуетті құрылымдармен кездесулер өткізіледі.

Студенттермен діни экстремизмнің алдын алу бойынша, теологтардың қолдауымен және тұрақты түрде жобаға қатысушылардың арасында үнемі діни сауаттылықтары деңгейі бойынша мониторинг жүргізіліп тұрады.

- 2020 жылдың 2 қарашасында Қарағанды техникалық университетінде «Серпін-2050» әлеуметтік бағдарламасы аясында білім алып жатқан студенттердің қатысуымен (60 адам) Microsoft Teams арқылы «Азаттық аңсаған Алаш арыстары!» атты онлайн іс-шара өтті. Іс-шараның мақсаты студенттерге қазақ халқының ғасырлар бойы өткен қиыншылықтарын айта келіп, осы зұлмат жылдары елінің азаттығын аңсаған ұлт зиялыларына тоқталу, өз елін, жерін қорғайтын ұрпақ тәрбиелеу. Шара барысында Алаш арыстары туралы бейнефильмдер көрсетіліп, студенттер ақындардың өлеңдерімен қатар, Алаш арыстарына арналған арнау өлеңдерін оқыды. Іс-шараны ұйымдастырған ТЭ-18-2 тобының студенті Ы. Тулесов.

Іс-шараға Шәкәрім Құдайбердіұлы атындағы «Тілдердің үштұғұрлығы» орталығының басшысы, ф.ғ.к., профессор Н.М. Аубакиров және «Әлеуметтік-гуманитарлық пәндер» кафедрасының аға оқытушысы Ж.А. Тусупбеков қатысты. Қонақтар да Алаш арыстары туралы естеліктермен бөлісті және студенттерге алғыс айтып, сәттілік тіледі.

- жыл сайын «Серпін» оқу орталығының ұйымдастыруымен Қарағанды техникалық университетінде «Серпін-2050» әлеуметтік бағдарламасы аясында оқуға түскен 1-курс студенттерін «Тұңғыш Президенттің тарихи-мәдени орталығы» мұражайымен таныстырады. Оған Тұңғыш Президенттің тарихи-мәдени орталығының қызметкері, экскурсия жетекшісі, өз саласы бойынша облыстық, республикалық байқаулардың жеңім-

пазы Қуаныш Тыныбекұлы қатысып, мұражай туралы мағлұмат береді. Қуаныш Тыныбекұлы ұсынған видео арқылы студенттер мұражайдағы экспонаттармен танысып отырады.

- 2020 жылдың 26 қараша күні «Серпін-2050» оқу орталығының ұйымдастыруымен Microsoft Teams арқылы Қарағанды техникалық университетінің студенттері арасында жас ақындардың ой өрісін кеңейтіп, шығармашылығына шабыт беретін «Жас қаламым қолымда» атты жас жазба ақындар мүшәйрасы өтті. Мүшәйраға 6 ақын қатысты: РЭТ-19-1 тобының студенті Алтаев Бекжігіт, СИБ-19-2 тобының студенті Айтбай Назерке, ЦАФ-19-3 тобының студенті Жолдас Әсемай, БТ-20-1 тобының студенті Жарылғасын Мадина Асылханқызы, БТ-18-1 тобының студенті Жақыпова Ақерке, ЭЭ-18-1 тобының студенті Сейілхан Асылмұрат.

Ақындар мүшәйрасы 3 бөлімнен тұрды:

1. Махаббат лирикасы.

2. «Мен сенімен егізбін жырым менің». Өзінің шабыты, шығармашылық ізденісі, талғамы, әдеби қырларын көрсете жазуы.

3. Тақырып шара кезінде беріледі, сол кезде жазады, 10-15 минут.

Мүшәйраға «Серпін» ОО-ның жетекшісі Ш.А. Жетпісбай, «Қазақ тілі және мәдениеті» кафедрасының аға оқытушысы, педагогика ғылымдарының магистрі Ғ.М. Абилкасов, «Әлеуметтік-гуманитарлық пәндер» кафедрасының аға оқытушысы, мәдениеттану ғылымдарының магистрі Ж.А. Тусупбеков, айтыскер ақын Н.Ж. Рымбай, университетіміздің түлегі, мүшәйра, айтыстардың жеңімпазы айтыскер ақын Б. Оспанов, университетіміздің түлегі, «Үздік студент» атағының иегері, «Меңтайым» кітабының авторы, ақын Н. Құрманбай қатысты. Қонақтарымыз жас ақындарға ақыл-кеңестерін айтып, шығармашылық табыс тіледі. Мүшәйраға қатысқан жас ақындарға университет ректоры, техника ғылымдарының докторы М.К. Ибатовтың атынан Алғыс хат беріледі.

- 2020 жылдың 27 қарашасында онлайн форматта ZOOM платформасында ҚарТУ-дың 1-курс студенттерімен Қарағанды қ. Орталық ПБ учаскелік полиция инспекторы Қаузов Естай Төлегенұлымен «Студенттер арасында құқық бұзушылықтың алдын алу» тақырыбы төңірегінде түсіндіру жұмыстары жүргізілді (40 адам). Студенттерге ҚР Әкімшілік құқық бұзушылық туралы Кодексінің 434, 440, 441 баптары егжей-тегжейлі түсіндірілді. Студенттер белсенді сұрақтар қойып, оларға нақты және толыққанды жауаптар алды.

- 2021 жылдың 14 сәуірінде «Қарағанды техникалық университеті» КЕ АҚ «Қазақстан халқы Ассамблеясы және әлеуметтік-гуманитарлық пәндер» кафедрасының аға оқытушысы, ф.ғ.м. Ж.А. Тусупбеков және «Серпін» оқу орталығының жетекшісі Ш.А. Жетпісбай «Серпін» бағдарламасы бойынша оқып жатқан 1-курс студенттерімен

«Долинка» кентінің саяси қуғын-сүргін құрбандарын еске алу мұражайы» КМҚК-ға барды. Мұражайға бару «ҚХА және ӘПП» кафедрасының Қарағанды облысы әкімі аппаратының «Қоғамдық келісім» мекемесімен белсенді ынтымақтастығына байланысты жүзеге асырылды. Іс-шара Қазақстан халқының бірлігі күніне, Ұлы Жеңіс күніне, саяси қуғын-сүргін құрбандарын еске алу күніне орайластырылған.

- 2021 жылдың 16 сәуірінде «Студенттер үйі» жатақханасында тұрып жатқан 1-курс студенттері арасында «Аламан-2021» сайысы өтті. «Жалынды Сардар» байқауында ВСУ-20-1 тобының студенті Тұрғын Үсен, СиБ-20-2 тобының студенттері Боранбаев Елнұр, Мухаддас Нұрдаулет, Сатвалдиев Бахтибек қатысты. Сайыс қорытындысы бойынша СиБ-20-2 тобының студенті Мухаддас Нұрдаулет «Серпін» студенттері арасындағы «Жалынды Сардар» болып таңдалды. «Менің мақтан тұтар мекенім» атты бейнеролик байқауында СиБ-19-1 тобының студенті Есбатыр Аружан І дәрежелі дипломмен, ТЭ-19-1 тобының студенті Әлімбай Дана ІІ дәрежелі дипломмен марапатталды. «Мамандығым – мақтанышым» атты эссе байқауында ТЭ-19-1 тобының студенті Әлімбай Дана І дәрежелі дипломмен, ЭЭ-19-2 тобының студенті Бүрлібай Асқар ІІ дәрежелі дипломмен, СиБ-19-1 тобының студенті Есбатыр Аружан ІІІ дәрежелі дипломмен марапатталды.

- 2021 жылдың 22 сәуірінде «Студенттер үйі» жатақханасында тұрып жатқан ҚарТУ-дың 1-курс студенттерімен Инженерлік экономика және менеджмент факультетінің ҚХА және ӘПП кафедрасының аға оқытушысы, заң ғылымдарының магистрі – Жуматова Гульзат Мухаметкаримовнаның қатысуымен «Сыбайлас жемқорлыққа жол жоқ» тақырыбындағы дөңгелек үстел өтті (30 адам).

Дөңгелек үстел барысында студенттер сыбайлас жемқорлықтың себептерімен, Қазақстанның сыбайлас жемқорлыққа қарсы саясатымен, Қазақстан Республикасының 2015-2025 жылдарға арналған сыбайлас жемқорлыққа қарсы стратегиясымен танысты.

- «Мәңгілік ел жастары – индустрияға!» – «Серпін» бағдарламасы аясында 2021-2022 оқу жылына студенттерді қабылдау бойынша «Қарағанды техникалық университеті» КЕ АҚ іс-шара жоспарына сәйкес, «Серпін» оқу орталығының жетекшісі Ш.А. Жетпісбайдың ұйымдастыруымен 2021 жылдың 10 маусымында ZOOM платформасында онлайн-кездесу өтті. Кездесуге өңірдегі 2,3,4-курс студенттері мен университеттің өңірлерге жауапты оқытушылары: Жамбыл облысы бойынша – Н.М. Аубакиров (ҚТЖМ), Қызылорда облысы бойынша – М.А. Жайлаубек (КТЛЖ), Түркістан облысы бойынша – С.Ж. Қосбармақов (ӨК) және КББЖ орталығының жетекшісі Ғ.А. Тусупова қатысты. Кездесу барысында студенттерге тұрып жатқан өңірлеріндегі мектеп түлектеріне үгіт-насихат жүргізу мен өңірге барған оқытушыларға

көмек көрсету жолдары талқыланды.

- 2021 жылы 2 мамыр күні дін істері және конфессияаралық қатынастар секторының, «Әлеуметтік-гуманитарлық пәндер» кафедрасының ф.ғ.м., аға оқытушысы Ж.А. Тусупбековтің және «Серпін» ОО-ның ұйымдастыруымен Қарағанды техникалық университетінде «Серпін» бағдарламасы аясында оқып жатқан 1-курс студенттері С. Сейфуллин атындағы Қарағанды облыстық академиялық қазақ драма театрында К. Жұмабековтің «Адасқандар» драмасын тамашалады.

Драматург К. Жұмабековтің «Адасқандар» драмасы бүгінгі күннің болмысын ашып көрсетеді. Аты айтып тұрғандай, ислам дінін тереңдеп түсінбей, басқа ағымға түсіп кеткен жастардың қилы тағдыры шығарма өзегіне айналады. Өзгенің алдауы мен арбауына, азғыруына, иланған қазақтың қаршадай қыздары мен жігіттері, «байимын, машина, үй сатып аламын» деп жүріп, жауыздардың қақпанына, қанды шеңгеліне қалай түскенін білмей, тығырықтан шығатын жол іздеп аласұрады. Екі көздері жәудіреп, туған жердің топырағын, ата-ананың аялы алақанын аңсайды. Оларды алда қанды қырғын, жазықсыз жандарды қыру, жалған діни ағымның әртүрлі қатыгездігі күтіп тұрғанын кеш аңдайды. Бірақ, шегінерге жол жоқ. Міне, шығарманың өзегі – адаспас үшін он ойланып, жүз толғану керектігін еске салады, адаспауға үндейді.

Жоғарыда көрсетілген фактілер «СЕРПІН-2050» бұрын-соңды болмаған жоба деген қорытынды жасауға мүмкіндік береді, жастарды әлеуметтендіруге арналған тиімді құрал екенін

көрсетеді, олардың сапалы түрде алған білімі кейіннен сұранысқа ие мамандықтар бойынша жұмыспен қамтамасыз етіледі. Осылайша, проблемалы кейбір өңірлерде еңбек тапшылығын жою шешіледі және халықтың өсу көрсеткіші жоғары өңірлерде жастардың әлеуметтік жағдайлары қамтамасыз етіледі.

Мұнда оқыту мен білім беру үрдістерін жетілдіру бойынша шынайы істер бар. Аталған Университет «Серпін-2050» бағдарламасының базалық «Серпін» жобасының студенттеріне оқу жүктемесінде ғылыми жұмыспен айналысуға, халықаралық, республикалық, аймақтық ғылыми конференцияларға қатысуға, университеттің ғылыми – практикалық конференцияларына мақала жазуға үнемі бағыт – бағдар беріліп отырды.

Ағымдағы жылы аталмыш жоба студенттері түрлі Республикалық, облыстық, қалалық, университетішілік байқауларға қатысып, үлкен жетістіктерге жетті.

Қорытынды

Қорыта айтқанда, Тәрбиесіз алынған білім – адамзаттың қас жауы – деп Әл-Фараби [4] бабамыз айтқандай, жастарға білім мен тәрбиені қатар беру, қазіргі таңдағы ең өзекті мәселе болып табылады. Соның ішінде техникалық мамандықтар бойынша білім алып жатқан жастарға, мамандығымен қатар болашақта көпшілік ортада өзін өзі ұстай білуі, сөйлеу мәдениеті мен өзін көрсете білуі ең маңызды мәселе, қарапайым жұмысшы мен лауазымы жоғары адамдармен қарым қатынас жасауға бейімдеуіміз қажет.

ӘДЕБИЕТТЕР ТІЗІМІ

1. Қазақстан Республикасының Президенті – елбасы Н.Ә. Назарбаевтың Қазақстан халқына Жолдауы, Астана қ., 2012 жылғы 14 желтоқсан.
2. Мемлекет басшысының «Болашаққа бағдар: рухани жаңғыру» атты мақаласы. 2017 жылғы 12 сәуір.
3. Мен жастарға сенемін. Мағжан Жұмабаев, 2017.
4. Он томдық шығармалар жинағы Әл-Фараби, Әбу Насыр; [ауд.: Т. Ғабитов [ж.б.]; құраст.: Ә. Нысанбаев, Ғ. Құрманғалиева, Н. Сейтахметова; ғыл. ред. Ә.Н. Нысанбаев] – Астана: Лотос – Астана, 2007.
5. Ахметова З. Күретауы / Зейнеп Ахметова. – Алматы, 2018.

Воспитательная работа по подготовке инженерных кадров по социальной программе «Молодежь Вечной страны – индустрии»

¹*ЖЕТПІСБАЙ Шолпан Аханқызы, м.п.н., старший преподаватель, sholpan_2409@mail.ru,

¹КАЛЫБЕКОВА Каламқас Сағындыковна, к.филол.н., доцент, kalam09@mail.ru,

²ЫСҚАҚҰЛЫ Срайыл, к.филол.н., доцент, зав. кафедрой, aizhan.96kz@mail.ru,

¹Карагандинский технический университет, Казахстан, 100027, Караганда, пр. Н. Назарбаева, 56,

²Илийский педагогический университет, Китай, 835000, Кульджа, Jie Fang Xi Lu, 448,

*автор-корреспондент.

Аннотация. О реализации социального проекта Серпин «Молодежь Вечной страны – индустрии». Карагандинский технический университет имеет все возможности для работы, обучения молодежи и достижения поставленных целей. В связи с этим, в нашем университете проводятся соответствующие мероприятия. Сегодня образование молодежи является важным вопросом, и приоритетом являются технические специальности. В основном общественно-культурные мероприятия организуют студенты проекта «Серпин».

Наша цель – подготовить образованных, разносторонних, непредубежденных профессионалов, которые будут осваивать новые технологии в соответствии с современными тенденциями.

Ключевые слова: образование, воспитание, молодежная политика, послание, государственная программа, ориентация на будущее, трудоустройство, технический, профессиональное образование, реализация, отбор, региональный.

**Educational Work on the Training of Engineering Personnel under the Social Program
«Youth of the Eternal Country – Industry»**

¹*ZHETPISBAI Sholpan, Mast. of Ped. Sci., Senior Lecturer, sholpan_2409@mail.ru,

¹KALYBEKOVA Kalamkas, Cand. of Philol. Sci., Associate Professor, kalam09@mail.ru,

²ISKAKULY Srail, Cand. of Philol. Sci., Associate Professor, Head of Department, aizhan.96kz@mail.ru,

¹Karaganda Technical University, Kazakhstan, 100027, Karaganda, N. Nazarbayev Avenue, 56,

²Yili Pedagogical University, China, 835000, Ghulja, Jie Fang Xi Lu, 448,

*corresponding author.

Abstract. On the implementation of the social project Serpin «Youth Industry of the Eternal Country». Karaganda Technical University has all the opportunities for work, teaching young people and achieving their goals. In this regard, accompanying events are held at our university. Today, youth education is an important issue and technical specialties are a reference point. Basically, social and cultural events are organized by the students of the Serpin project. Our goal is to prepare educated, versatile, open-minded professionals who will master new technologies in accordance with modern trends.

Keywords: education, upbringing, youth policy, message, state program, future orientation, employment, technical, vocational education, implementation, selection, regional.

REFERENCES

1. Qazaqstan Respýblikasynyń Prezidenti – elbasy N.Á. Nazarbaevtyń Qazaqstan halqyna Joldaýy, Astana q., 2012 jylǵy 14 jeltoqsan.
2. Memleket basshysynyń «Bolashaqqa baǵdar: rýhani jańǵyrý» atty maqalasy. 2017 jylǵy 12 sáýir.
3. Men jastarǵa senemin. Maǵjan Jumabaev, 2017.
4. On tomdyq shyǵarmalar jınaǵy Ál-Farabı, Ábı Nasyr; [aýd.: T. Ğabıtov [j.b.]; qurast.: Á. Nysanbaev, Ğ. Qurmanǵaliev, N. Seitahmetova; ğyl. red. Á.N. Nysanbaev] – Astana: Lotos – Astana, 2007.
5. Ahmetova 3. Kúretamyr / Zeinip Ahmetova. – Almaty, 2018.